


欽定八旗通志

人物志

卷一百
七十



欽定八旗通志卷一百七十

人物志五十

大臣傳三十六

滿洲鑲白旗四
文綬 珠魯訥

查郎阿 三和
五福 莽喀察

查郎阿

查郎阿滿洲鑲白旗人姓納喇曾祖章泰以軍功

授雲騎尉祖查爾海復以軍功晉襲一等輕車都

尉父色思特由護軍從征噶爾丹於烏蘭布通陣

歿入祀昭忠祠查郎阿初襲世職兼佐領康熙六

十年授叅領雍正元年授吏部郎中三年東照六
特擢吏部左侍郎三年二月署鑲黃旗滿洲都統七月疏
言直隸州州同州判向用捐納貢監恐不足統所
屬科甲出身之知縣請將舉人及恩拔副貢補用
下部議行五年四月遷左都御史仍辦吏部事十
一月西藏噶卜倫阿爾布巴等狀總理藏務貝子
康濟鼐扎薩克台吉頗羅鼐以

聞

命查耶阿偕副都統邁祿率兵進藏六年四月授吏部尙
書九月奏言臣等五月自西寧出口八月抵藏駐
藏副都統瑪喇學士僧格及頗羅鼐已擒阿爾布
巴卽會同鞠實誅之餘黨悉抵法十一月又奏藏
事已定達賴喇嘛移居裏塘臣遵

旨留陝西四川兵各千交駐藏大臣調遣報

聞十二月奏言頗羅鼐爲唐古忒衆信服請令總理後藏
事務其前藏據頗羅鼐舉二人一色珠特色布騰

一策凌旺扎爾俱授噶事倫但新任恐未妥協前
後藏不遠暫令頗羅鼐兼管俟達賴喇嘛移居畢
詔地兵撤頗羅鼐仍專管後藏

允之七年二月奉

旨查郎阿自藏回到西安協同川陝總督岳鍾琪辦理軍
需不必來京四月署川陝總督八月奏改西安管糧通
判爲水利通判移駐涇陽縣之王橋鎮專管涇陽
醴泉三原高陵臨潼五縣堤渠從之十月兼理西

安將軍印務加太子少保尋奏安西沙州等處屯
民豐收恐口內囤戶乘機與販射利宜嚴查禁並
諭屯民存一年所需餘卽糶諸本地以濟兵民食
用

諭曰禁止奸徒射利辦理甚是但民戶餘穀只許在本地
糶賣尚未妥協朕思民戶盈餘之穀原期糶賣以爲日
用之資若本地糶穀者少則出糶未免艱難不可不爲
計及著該地方官酌量情形動支官銀照時價糶儲備

欽定八旗通志 卷一百一十 八旗志五十一 三
用毋得勒賣滋擾十二月奏言肅州近嘉峪關兵馬出口頓宿米豆草價俱昂肅鎮兵餉本色少折色多不敷糴買請量增從之八年十月

命往肅州辦理軍需仍兼川陝總督九年二月增設四川總督查郎阿改署陝西總督四月奏言大學士瑪爾賽等因岳鍾琪撥往肅兵四千出口恐肅州兵單議將撥到甘涼之滿洲蒙古兵暫移駐肅俟山西綠旗兵千五百並附近肅州之提鎮標兵三千

五百派調到肅再將滿洲蒙古兵移駐安西業奉

俞旨臣查肅州附近標營止有甘涼二州甘州提標兵除派撥外止存千五百其餘新募軍裝馬匹未齊涼州鎮標兵除派撥外僅足以供汛守不便再撥肅州現駐寧夏涼州固原兵千五百又調山西兵千五百合鎮標兵六千餘又寧夏滿洲兵一千統計萬餘足資彈壓不必移應駐安西之滿洲蒙古兵亦無庸再派五月又奏言奉

欽定八旗通志 卷一百一十一
旨於湖廣買米循舊道運貯商州以備轉運臣查大學士等原議自襄陽至龍駒寨運價及造船濬河每石費銀一兩龍駒寨至安西每石二兩較西安米價已逾數倍商州處萬山中丹江環之地氣潮濕商南雒南等縣環山濱河亦難久貯陝省各屬存糧百二十餘萬石更有扣存五分社倉銀經督臣岳鍾琪奏明存庫未糴請動此項於新穀豐收時酌量採買分貯州縣可省運費而散貯各處每年出

陳易新亦易均如所請上月準噶爾賊犯阿濟卡

倫蒙古游牧被掠

敕查耶阿安輯之十年七月

諭曰西路軍營事務岳鍾琪辦理總不妥協著回京署陝西總督查耶阿年來辦理軍務事事合宜克勝大將軍之任著署寧遠大將軍印務但肅州路遠未便來京請訓今特命大學士鄂爾泰馳驛前往肅州傳朕訓諭並賞銀一萬兩十一年四月疏劾駐防廈集副將紀成斌

賞賜駐防烏克克嶺總兵張元佐漫無偵察致賊劫糧
車逃得

旨紀成斌在軍營正法張元佐降三級調用八月奏報庫
爾墨圖山賊五十餘來犯我兵擊斬二十餘人餘
俱生擒無一脫者

上諭獎之九月條奏禁止逃兵四事一律載官軍從征私
逃初犯再犯及知情藏匿俱分別治罪誠恐恣意
悞罹重典請令該管大臣飭將領頭目等明白曉

諭俾知稟遵一自將領至什長旗俱有管兵之責

嗣後兵逃什長旗卽日報明查輯逾限及徇隱者
罪之如一營內一月報逃二名以上逾限不獲該

管分別治罪一逃兵自悔投到無論初犯再犯俱
免罪入伍總以文到一月爲期許於所在赴官投

首轉押回營逾限自首者減二等治罪仍准入伍
自首復逃獲卽正法一逃兵必經汛卡汛兵能查

獲者視離營遠近酌賞官弁記功如別經拏獲各

汎卡失察弁兵分別議處治罪軍機大臣議如所
請尋疏劾總兵曹勳奉派駐防哈密縱賊捏報奉
旨卽在軍營正法十月奏言冬令雪深應分大兵駐守臣
酌令副將軍張廣泗駐北山常賚駐南山臣與叅
贊穆克登等留駐大營仍不時親往南北兩路巡
察並派總兵張朝良等分防要隘

允之先是查郎阿疏劾副都統阿克山觀音保所管馬倒
斃走失有心玩誤部議卽在軍營正法十二年三

月查郎阿奏阿克山觀音保所屬兵久居南方不
知牧法較退縮竊換者微別請暫停正法在軍營
通衢柳號

詔徧諭軍營將士示警五月
諭同北路定邊副將軍策凌來京會議軍務九月張廣泗
奏大敗賊於鄂隆吉大坂俘斬甚衆

命議敘在事將弁並
諭曰署大將軍查郎阿雖奉調遣來京然自統兵以來與

張廣泗同心協力整飭戎行鼓勵士氣此番克捷亦由
平日訓練整頓之所致著一併從優議敘十三年五月
噶爾丹策凌乞和查郎阿遵

旨以次撤大兵還六月奏西路駐防事宜一邊界定後廷
議留兵於巴里坤二千哈密二千查巴里坤隘口
處處可行二千兵盡數撥防亦不足用至哈密二
千屯田則不敷巡防則難徧且兩處中隔南山大
坂呼應未便與其分駐兩處不若合駐山南請增

兵一千合爲五千哈密實駐三千其西三堡沙泉
泉東北塔勒納沁並有城堡各駐一千聯絡方嚴
密一哈密夏熟軍營馬駝應每年草肥之時撥兵
二千攜至山北呼濟爾台沙山子鹿心山等處牧
放增斥堠防守秋深仍回山南一南山大坂爲哈
密北面屏藩烏克克嶺爲三堡沙泉要隘塔勒
納沁河源爲塔勒納沁要口應分設斥堠撥兵瞭
望二哈密貯糧充足且有蔡巴什達里雅屯田可

供三處兵糧無庸輓運一留駐巴里坤兵已閱七載應悉撤預選安西瓜州兵四千俟巴里坤兵撤回卽令大員領赴哈密駐防以均勞逸得旨允行又條奏六事一巴里坤兵撤後廷議於安西增提鎮各一兵萬攜眷駐防聲援哈密查兵萬需糧十萬安西屯糧不敷城堡營房事事須籌不若於甘省提督肅州涼州西寧安西四鎮各撥兵一千更番迭戍無庸於安西增兵一撥陝西督標兵千周

原提標及各協千五百延綏千寧夏千河州五百

合五千在赤金靖逆柳溝布隆吉爾橋灣五處駐

防附近俱有牧場一赤金等五處兵期以二年全

行更代哈密兵年更一半其半熟練卽可教習一

半新兵一哈密及赤金等處兵五千應以總兵二

員副將二員統領分轄赤金等處總兵副將於兵

丁更代時俱更哈密總兵副將令一年更代庶屯

田斥堠有新舊大員相間管領一哈密兵屯種收

獲足供口糧其各衛所官屯田畝應悉與安西鎮標營兵丁屯種如再不敷照例折給一肅鎮臨邊請增城守一營設都司千總各一把總二撥步兵二百專司城守汛防廷議如所請行並議再令提督一員駐哈密節制兩鎮居中調度從之先是上軫念從征將弁下缺一亦全等以二亦全敕陝西等省現出各缺十中分三陞補出征之員至是西路兵撤凡陞補他省者應各赴新任查郎阿奏言

陞補中陝甘人員隨征年久今甫回籍又遠赴新亦全文任或無力攜眷同往留又無人養贍請將現在軍營營陞補直隸等省之千把總留陝甘各營遇缺挨擬陞補之亦全今大兵難回查順國與貴國再善安上以候缺需時令現任千把總未出征者開缺以留陝甘亦全員補用七月授大學士仍管總督且亦全人因亦全諭曰西路官兵前因岳鍾琪調度失宜諸事廢弛遂致軍氣不揚士心不振自雍正十年查郎阿統兵以來與張

廣泗同心協力事事整頓時時訓練凡行間將士俱知奮勇効力營伍爲之改觀所以十一年十二年賊人兩次侵犯卡倫俱爲我兵擒斬未令免脫且賊人因我軍嚴整畏憚懼服從前狡獪伎倆不敢復逞此皆查郎阿辦理妥協之所致今大兵撤回查郎阿張廣泗俱著交部從優議敘尋議加三級八月

命爲文華殿大學士兼兵部尚書是年仍改陝西總督爲川陝總督乾隆元年三月奏言巴理坤兵現遵

旨撤還內有勇健營千一百名係新設別無營汛撤回難於部署且係十五省所選伎勇離家日久聚處恐不相宜請各歸本省發督撫提鎮隨標入伍効力不願者聽

上報可初查郎阿以甘肅地瘠請酌撥陝西倉儲預籌協濟以裕民食

詔會同陝西巡撫劉於義確議五月會奏協濟六事一原奏撥陝糧六萬石以四萬濟平涼二萬濟慶陽今

固原等處缺兩請增撥二萬石俟麥秋後陸續撥
運照軍需例給價一撥糧原按西安十二州縣倉
貯多寡勻派咸寧長安各三千石涇陽醴泉興平
各六千石乾州七千石咸陽五千石永壽四千石
富平三原各六千五百石高陵藍田各三千五百
石合六萬石今增撥二萬應於附近各屬酌撥一
糧由北路運往若逐站轉運則富平等縣止數十
里總滙於乾州永壽等處接運勞逸不均應令各

州縣直送各處交收一原奏所運糧分貯涇州長
武查長武屬陝西涇州距慶陽各屬尚遠今議以
二萬石由涇陽九條溝直運慶陽其餘六萬石仍
運至涇州分別接運勻貯再會寧安定靜遠三縣
山田歉收附近無可協濟應於運涇糧內在靜寧
固原二州多貯數千石以備三縣不時之需一口
袋舊存十四萬五千條或雙套或修補即可備用
至慶陽涇州卽留備接濟分運仍按數收貯一甘

民素無益藏平慶尤甚豐年盡糶所有則價頓減
稍歉則價頓昂請嗣後遇豐年隨時採買積貯民
免熟荒之累得

旨妥協之至著照所議行六月疏劾原任甘肅巡撫許容

匿灾殃民營私樹黨各款

命革職拏解來京部擬杖徒援免八月奏陝甘標營生
息銀兩五事一營運之宜變通也各營兵借債輸
利貧無底止欲除私借須開官借之條凡兵丁急

需許呈明該管千把總轉報查實係無力卽以生

息銀會同地方官借給每兵不得過五兩一分起

息於應領餉銀內分五季扣除扣完仍准借給一

生息之宜因地也地方有豐嗇生息亦應有重輕

延綏鎮協地處極邊當商領運應照例一分起息

此外量爲輕減一本銀之宜畫一也生息銀兩原

係惠濟兵丁向止議及督撫提鎮各標營而各協

營路未及應照雲貴例每兵一名給銀二兩營運

生息以乾隆二年爲始按各標營協路兵數均給
一收放之宜慎重也營中收貯經理恐不免私弊
請交地方官貯庫聯銜動支該管大員不時盤查
如通同徇隱及失於覺察照例議處賠補一賞卹
之宜酌量也各營生息旣難賞銀宜量入爲出應
先儘現派駐防哈密赤靖等處兵萬名酌定其家
遇喪事賞銀六兩吉事賞銀四兩存營兵照防兵
減半又奏言口外大通地方旣設營汎流移蒙古

不便容留原有該管之扎薩克卽交收管否卽查
附近各部落分別安置如已立產地方官估價給
令另置無則查按戶口給羊再違例容留者兵民
治罪衛營官失察議處
詔均如所請行九月來京

陞見

諭速回西安十一月奏言陝省屯更之賦重於民田昔
年糧從地起丁由人出故屯更賦重而丁銀稍輕

經前督臣岳鍾琪奏將通省丁銀攤入地糧屯更
論地每畝一石折銀一兩均載丁銀一錢五分糧輕
丁重民戶減除甚多糧重丁輕者有增無減請照
前奉

恩旨豁免俟下屆編審將通省新增應完之丁銀均攤
於民戶地糧漸補足原額卽行停止永不加賦則
以糧載丁之案不必紛更而屯累稍紓再查陝省
馬步俱係招兵食餉獨督標火器營兵一千於咸

長等州縣屯丁內拔補每名月給餉銀七錢餘皆
屯民津貼或本人當兵合衛代完錢糧或出銀雇
人其人稍不遂意逃避勒措又向本衛拔補滋擾
無已請照鎮標步兵例招募差撥不在屯衛拔補
庶各縣屯民永免幫抬之累又言屯衛地丁久歸
州縣初時恐公務浩繁應役需人將屯兵留用二
千每丁受旱地一頃將額徵米二石二斗豆一石
八斗布銀四錢二分留爲應役工食近來差務漸

減各衙門皆有經制人役且一丁受地一頃終歲
服役不遑盡力農畝俯仰何賴更有本身不能應
役雇人代替亦有衙門不用供役勒折各軍錢弊
難枚舉請將屯丁二千裁留一千各衙門少一千
屯軍卽州縣多一千農夫錢糧歸於有用屯困亦
稍甦其留丁一千工食外再給銀二兩計共銀二
千兩在司庫按季支領均從之先是查郎阿奏銷
軍營節年倒斃及竊失馬駝過多經戶部駁令賠

補二年十月奏言軍營調度在大將軍果指示得
宜何至牲畜被竊所有雍正八九十年巴里坤
土命被竊馬駝應責岳鍾琪賠補十一年五月栢楊溝
被竊馬駝責臣賠補惟雍正九年鄂爾多斯牧廠
走失馬駝仰祈

聖主念該部落隨征數年尚屬奉公副將馬順暨滿洲驍
勇等營官兵亦頗著勤勞均准免賠至節年倒斃
馬駝因從內地出口跋涉數千里軍營氣寒耕作

馳驟筋骨俱傷是以更多懇干里軍營康樂特

恩軫末弁窮兵免其賠補

上特允之三年三月疏叅肅州道黃文煒軍需道沈青

崖庫官石日璉營私侵帑請革審劉於義總理軍

需縱容狗庇併附叅

上命左都御史馬爾泰等會鞫得實治罪如律五月奏

言涼州莊浪建滿城並衙署營房原估銀五十二

萬八千六百餘兩緣募附近番土民人用工少而

得力多節省銀二十二萬三千有奇臣查閱邊地

見肅州涼州城垣坍塌平番大通河橋梁被衝請

撥三萬六七千兩興修從之又言章嘉呼圖克圖

奏請以裏塘巴塘等地方賞給達賴喇嘛經議政

大臣等令臣悉心籌畫咨商雲貴總督慶復妥議

臣查達賴喇嘛為番夷各部落所尊崇

聖祖仁皇帝特克西藏設床加封駐兵戍守洵安邊至計

然由滇蜀至西藏途遠勢隔是以將裏塘巴塘等

處收歸內地以利糧運雍正三年將察木多以內
各處頭人給土司職銜爲打箭爐保障察木多以
外給達賴喇嘛每年又賞達賴喇嘛茶五千觔班
禪額爾德尼茶二千五百斤加恩已渥今若再賞
裏塘巴塘令番衆赴藏納差將來駐藏兵撤倘有
叵測打箭爐外沿途不無阻梗惟是藏中大小寺
廟千餘所常住喇嘛四十餘萬用度浩繁今章嘉
呼圖克圖亦止因日用不敷起見請照裏塘巴塘

等處每歲所納數目在打箭爐商稅銀內按數賞
給於每年達賴喇嘛差人領茶之便給令帶回其
地仍隸內地奏入

上嘉納之十二月奏言寧夏地震臣聞報卽攜銀馳往
撫綏被災兵民又撥固原兵六百協勘巡防得

旨嘉獎四年三月奏言督標四圍空地及收回將材等
項地畝計十八頃有奇前督臣岳鍾琪奏准招佃
收租借給乏食兵丁照社倉例加二起息還倉以

備補造器械比年因雨澤愆期積欠二千餘石請
准豁免並請嗣後查實在乏食兵丁准將所借照

市價於月餉內陸續扣還免其加息報

閏五年四月

命還京入閣辦事五月加太子太保七月

御製詩賜之

詩曰玉陛資調燮西陲運計籌持鈞推舊德補衮著嘉

猷可繼蕭曹業還同韓范儔江湖與廊廟莫釋一心

憂六年奉

命偕侍郎阿里衮清查黑龍江吉林烏喇等處開墾地

畝事竣還京十二年三月因衰病乞休

命以原官致仕九月卒子邁拉遜襲世職

三和

三和滿洲鑲白旗人姓納喇雍正二年由護軍校

授三等待衛初三和曾叔祖拜庫達以軍功授二

等輕車都尉卒兒子瑪察襲卒子瑪爾泰襲四年

三和降襲騎都尉乾隆元年四月授二等侍衛五年晉一等侍衛六年三月授總管內務府大臣六月署戶部侍郎七年實授八年十月管理奉宸苑事十二月疏言親蠶典禮與親耕並重前代制度未備

皇上敕建先蠶壇爲曠世鉅儀請將建造壇址宮殿規制及興工告成日期宣付史館以光盛典從之十年正月

命赴甘肅會同巡撫黃廷桂勘估應修城堡邊牆六月疏言自寧夏抵甘涼肅沿邊二千九百餘里土墻多坍塌我

皇上保乂邊氓原不惜百萬帑金爲鞏固藩籬計但一時並舉工費實屬不貲且城垣爲兵民依賴現所議修邊墻似可稍緩至通省應修城垣須先其所急後其所緩查肅州鎮屬金塔協在極邊外甘州府爲五涼扼塞蘭州府屬之河州狄道州或控制

邊口或水患衝刷請卽動項興修至平涼府固原
州古浪縣三城應次急其餘殘缺城堡需工料千
兩以內者飭地方官動公項按年修理千兩以外
委道府確估報部修補部議如所請尋
諭就近會勘陝西各屬城工奏言榆林府屬之榆林府
谷神木三縣延安府屬之定邊縣逼近邊牆鄜州
安塞縣二城爲水所衝均應急修靖邊延川米脂
華陰咸陽等二十州縣陸續遞修從之十一月調

工部侍郎十三年五月因辦理

孝賢皇后冊寶不慎議革職得

旨從寬留任十月調戶部侍郎十四年四月晉工部尙

書兼議政大臣十二月

諭曰三和自補授尙書以來事事周章不能妥協今御

門聽政伊又遲悞不到乃器小易盈不足勝任著以

工部侍郎用衆佛保不識漢字不必辦理部務其員

缺卽著三和補授十五年九月以私伐木植一案掩

飾回護部議革任得

旨從寬留任註冊十月工科給事中珠章阿疏叅工部

承修

天壇內外圍牆銷冊與原奏不符且多碎磚包砌

詔下工部堂官明白回奏三和等奏言壇內三座門東

西舊牆明嘉靖年所造俱三順一丁成砌今所修

圍牆與舊相連是以內圍四面外圍東西南三面

照舊成造其外圍北面去內圍遠不見舊式隨一

順一丁成砌查城磚一塊之長與二塊之闊相等

圍牆止三進則三順一丁與一順一丁工料相同

再圍牆共三千二百餘丈包砌二層奏准裏用舊

磚砌完再用新磚並非私用舊磚冒銷新磚價值

諭曰此奏殊屬支吾三和委辦工務猶其專責乃既已

蹈過又復飾非著交部嚴察議奏部議革任得

旨從寬留任十七年二月調戶部侍郎四月與海望等

遵

首查奏

兩郊壇宇工程所發物料銀過多自請議處革任註冊十

八年仍調工部侍郎時銅山河堤決尙書舒赫德

等奏開引河

命三和率通曉測量之員馳赴工次測視二十三年以

承辦塔工拆裂部議革任得

旨永遠停俸三十二年

上以三和行走多年年已七旬授內大臣尋

命紫禁城內騎馬三十二年卒

諭曰內大臣工部侍郎三和宣力有年恪勤匪懈昨冬

因患病請假隨命御醫診視時復遣使存問今夏特

賞給人參俾得從容調攝以冀就痊忽聞溘逝深爲

軫惜著賞銀五百兩料理喪事其任內革職降級之

案准其開復凡有一切應賠應繳各項著加恩概行

寬免應得卹典該部察例具奏尋五十年由盛忠

賜祭葬如例諡誠毅子蘇第察襲世職

文綬滿洲鑲白旗人姓富察雍正十三年由監生

授內閣中書乾隆七年遷禮部主事十年遷員外

郎尋改內閣侍讀十一年授甘肅涼州府知府十

四年遷安西道十五年調西寧道十六年調肅州

因道十八年仍授安西道二十五年遷甘肅按察使

二十七年擢山西布政使三十一年以迎合巡撫

和其裏容隱陽曲知縣段成功虧空革職發軍臺

効力三十二年六月給道員銜往哈密辦事三十

三年十二月授河南巡撫未抵任調陝西巡撫三

十五年二月奏洛川縣每年額徵民糧米麥豆三

色共二千六百餘石以供兵精除每年額支兵糧

千四百餘石尚餘千二百餘石積至乾隆三十四

年現餘糧萬八千餘石縣倉不敷存貯請以一萬

五千石爲額餘糧隨時出糶報部充餉得

旨允行五月吏部奏前奉

欽定八旗通志

卷一百七十

人物志五十

七

諭令督撫查奏學政有無置備食用州縣繳價之事文
綬推諉不奏應革職

詔從寬留任三十六年五月署陝甘總督七月
命赴齋爾賞賚投誠之士爾扈特九月授四川總督十
月調陝甘總督十二月奏官兵進剿金川陝甘共
派兵三千延綬鎮總兵書明阿現帶一千徑赴維
州其西寧兵一千陝西兵一千請以興漢總兵張
大經統領赴川與漢毗連川省進征猶便臣親往

鞏昌安定照料起程

上嘉之三十七年正月疏言巴里坤烏嚕木齊年來買

易傭工民人甚多富者可雇工承墾地畝貧者每
戶給三十畝並農具籽種照新疆例六年陞科並
指明地名往墾瑪納斯城南可墾二萬餘畝瑚圖
壁城西北可墾六千餘畝巴里坤城外及西大墩
大泉并東西石人子沙子奎蘇可墾五千九百餘
畝玉門淵泉敦煌三縣雖土性鹼鬆近得渠水灌

溉可添墾田五千餘畝舊例嘉峪關口常閉經過者驗照放行不免守候稽延今關外久成內地請飭文武官將嘉峪關辰開酉閉進者仍行盤詰出者聽其前往兼於烏魯木齊城南七達色巴山梁開寬大路以便前行赴墾戶口日增行旅亦爲有益部議從之五月酌定收捐監糧章程一肅州高臺縣每監一名捐糧五十石淵泉玉門敦煌三縣每監一名捐糧四十石哈密巴里坤烏魯木齊特

納格爾吉木薩奇台昌吉木壘八處悉照安西糧數報捐一收捐俱以豌豆小麥交納一令經收之員印給實收一修造監倉應借項酌建俟收捐費歸欸一收糧數多應出易以免紅朽一報捐應具結以本色交倉一交倉應隨時申報以杜包收拆色一造厥口冊應申報盤查以防虧欠挪移奏入軍機大臣議行又籌備巴里坤移駐滿洲兵糧料事宜一古城可墾地三千畝泉水足用請撥肅州

鎮兵百五十以千把總一員統往耕作一古城吉
布庫奇台歲收及陳存糧籌給巴里坤滿洲兵餉
應將甘肅提標西寧涼州鎮標孳生駝挑至吉布
庫占城奇台擇廠牧放再派滿洲兵護送一巴里
坤奇台存糧十餘萬石每年僅用舊糧萬石未免
壅滯應將巴里坤滿洲歲支糧料四萬餘石先就
舊糧支給其新收歸倉者許逐年出陳易新一馬
草應支給價銀聽官兵自辦

上獎其所奏詳妥六月奏西安滿洲兵移駐巴里坤例

將所領製裝銀兩扣留一半與兵丁置貨帶往出
售以資生計查巴里坤水草豐美可以放牧及天
氣嚴寒老幼非皮衣無以禦冬請於巴里坤山灣
命文設孳生牧廠將滿洲兵扣留製裝銀兩給令多買
羊隻雇人牧放并令旗下閒散子弟一同學習取
工則乳剪毛以廣生計并使熟於口外情形各歸儉樸

旨應得

欽定八旗通志 卷一百一十一 八旗通志 三
旨嘉獎十一月奏暫開捐納以裕軍需

上切責之四川前任總督阿爾泰縱子明德布勒索屬

員明德布人姓於其合與不與德子榮一同學管那

命文綬密行查訪尋奏言明德布因在署辦事與屬員

漸熟徃徃進見於是人言嘖嘖雖勒索等事尙無

指實而阿爾泰縱子干預公事情弊顯然時軍機

大臣等鞫明德布具服一坐與與丁員官帶出

諭曰文綬係棄瑕錄用之人其在陝西巡撫任內辦事

尙屬認真加恩擢授總督又於軍需尙所諸習特調

爲四川總督令其整頓經理乃伊聞命之初尙似勇

往及到任以後一切軍營事宜未見其實心妥辦甚

至借軍需名目妄請開捐竟爲屬員冒銷地步初不

意其乖張若此至聞阿爾泰在川聲名平常並有縱

伊長子明德布尙屬員勒索之事因傳諭密訪文綬

覆奏不過就旨敷衍事無指實若僅以人言嘖嘖爲

憑何足以服阿爾泰父子之心朕從不肯以風聞無

欽定八旗通志 卷一百一十 八旗通志 卷一百一十
據之言輕治臣下之罪復諭文綬於該省屬員內設
法查訪不得仍事含糊乃閱數月之久並未查明續
奏明德布現在京候訊卽命軍機大臣會同內務府
大臣詳加研鞫據明德布親供俱已直認不諱文綬
身爲總督奉旨密查應實力訪察據實覆奏方不失
爲大臣秉公持正之道乃竟意存袒徇輒敢蹈官官
相護之惡習實出情理之外後任督撫訪查前任之
事無難水落石出似此肆行欺罔於吏治人心大有

關係若皆從而效尤朕將何以任人是文綬之罪斷
難復道著革職發往伊犁令其自備資斧効力贖罪

十八年六月 欽定八旗通志 卷一百一十 八旗通志 卷一百一十

諭曰文綬去年獲罪之由係沾染外省袒護惡習尙無
大罪在當時不得不加以創懲念其向來頗能辦事
尙可棄瑕錄用著加恩補授湖廣總督仍署理四川
總督八月偕富勒渾疏言現在添兵進剿需糧倍增
於昔請照乾隆十三年范毓麟王堂助餉加銜之

欽定八旗通志 卷一百一十 八旗通志 卷一百一十
例令各省商民有願赴川運糧者均准赴川報到
准其辦運咨明該省其所辦之糧軍需局查明應
運何路卽指定給照定限運交仍飭知該站隨到
隨收并給實收聽自行資部請叙九月又奏酌定
納粟章程請每穀一石價銀九錢俊秀捐監例捐
銀一百八兩應納穀一百二十石其捐貢及捐各
項職銜應納穀數准計核收使捐穀之費與捐銀
之數相當並議行四十一年二月實授四川總督

四十三年十二月借特成額明亮合奏兩金川新
收屯糧請照打箭爐舊例凡存貯及本屯支放每
石准耗五合如撥運別屯准耗一升不准按年加
耗從之四十四年十一月入

覲

上以其子山東巡撫國泰睽隔多年

諭令來京相見四十五年二月

京察加一級六月奏稱四川素產井鹽界連滇省自

京雍正七年至乾隆三年以滇鹽不敷民食先後題
諭令定令昭定東川鎮雄宣威霑益平彝南寧等屬改
土以食川鹽川商承領邊引撥配犍爲厥鹽由興文長
寧屏山高珙等縣運至交界並以道險費重經滇
省開修河道令辦銅回船接運川鹽乃得暢行滇
民始免食澹迨後水路開通商民情熟或以川地
計口之鹽攙雜混銷或於行滇引鹽之內夾帶偷
賣因利乘便積少成多原非如連車盈艦梟販公

行查拏轉易從前屢經兩省咨會在川滇交界之
張灘及洪縣之羅星渡興文之梅嶺鎮爲行鹽入
滇總匯又於滇省昭通之富官村小腦塘大關廳
宜之鹽井渡鎮雄州之落垓塘羅坎關等處按數核
銷對接銷立法非不周備然地方官稍不經心仍不
士畏免偷漏影射之弊誠所謂有治人無治法也茲悉
心籌酌專委幹員於川滇交界各隘口會同該地
方文武設立卡隘分路稽查務使私販絕迹引運

欽定八旗通志 卷一百一十一
肅清如各委員及地方官怠玩因循虛應故事卽
行分別撤回叅處其川滇連界者一併加意稽查
上是之並
諭雲貴總督福康安曰文綬所辦甚是川滇地界毗連
宜一律嚴防方有裨益四十六年三月
詔停打箭爐收稅部員由總督委員管理文綬條奏裁
改事宜一徵收稅務卽委打箭爐同知專管一報
稅簿由布政使印發按月登記備查照簿造銷核

題一兼管稅務費用較繁除同知本任應得養廉
再增給三百兩爲管稅養廉其紙張公費及額設
通事譯字書巡等役均仍舊解部飯銀應由司庫
搭解下部議行閏五月以題銷商運軍糧腳費前
後矛盾不自引咎戶部奏請降二級調用

詔改爲草職留任先是四川無籍游民糾聚劫掠土人
呼爲囑匪漸闖入湖廣貴州界湖廣總督舒常湖
南巡撫劉墉貴州巡撫李本俱以捕獲囑匪入奏

七月文綬疏言合州界連太平東鄉開縣等處聞有囑匪三十餘人持仗拒捕卽飭令鎮道等督營員州縣嚴捕有百餘人聞捕先竄分路追獲五十人提省嚴辦得

旨舒常等已陸續具奏文綬係本省總督直至今始奏何遲緩若此旋奏囑匪之竄入湖南貴州界者經三省官兵截擊仍復逃回現分路追捕續獲二十一人又追至廣安擒斬八人生擒十七人餘黨俱卽

不逃散

諭曰匪徒聚集川省該督果能隨時嚴飭文武各員實力擒捕四處派員堵截於邊界有防何至逃逸別省乃文綬平日漫不經心一任地方官疎縱釀成致該匪踪跡往來如入無人之境其所爲邊防者何在及匪徒竄入湖廣貴州等省結黨成羣搶掠滋事該督仍復安坐省城並不於要隘處親往督率此次摺內尙腆顏稱經楚黔官兵截擊仍復竄回一似置身局

外者然文綬種種錯謬不可枚舉著嚴行申飭八月
文綬奏親往川東督捕餘匪得

旨文綬始終玩縱貽誤著降三品頂帶從寬留任尙書
周煜奏川省囑匪近年每邑多至百十餘人並有
朋頭帶頂坐轎乘馬白晝搶奪淫兇通省官吏罔
聞兵役不問甚至州縣吏胥身充囑匪恣行騷擾
諭曰囑匪肆行不法已非一日文綬身為總督乃竟漫
不經心以致養癰貽患甚至白晝搶劫拒捕傷差公

然無忌若不及早嚴辦將來黨羽日多安知不釀成
蘇四十三之事現須痛加懲創盡絕根株以戢凶暴
而靖地方此皆文綬因循貽誤所致斷難復膺總督
之任著革任發往伊犁効力贖罪四十八年

命回京四十九年二月卒

珠魯訥

正貝勒工楷業江黃旗滿洲人

珠魯訥滿洲鑲白旗人姓那爾乾隆二十年繙譯

舉人二十一年以筆帖式在軍機處行走遷吏部

外主事二十四年遷員外郎二十七年調戶部顏料
庫三十一年正月擢湖廣荊州右翼副都統尋授
禮部侍郎五月調工部兼正黃旗滿洲副都統十
命回月署戶部侍郎三十二年五月兼署兵部八月
命為叅贊大臣駐雅爾尋赴雲南軍營統綠營兵四千
而駐木邦土司窺圍自莽什率七百餘人來降請於
清水河招商復業珠魯訥派弁兵彈壓十二月擢
夷環歇等五十人突出竹木林前鋒瑚什布把總

姚俊擊之遂棄械降珠魯訥鞫得猥歇等為緬賊
守城狀盡斬以徇已而賊伏千家寨劫我偵事兵
珠魯訥派巴圖魯侍衛色布騰効力總兵索柱等
乘夜搜捕賊潛遁派色布騰渡大疊江錫箔城抵
將軍明瑞營復令巴圖魯茂漢探錫箔城抵松塞
路得

旨嘉獎將軍明瑞建橋大疊江兵得濟珠魯訥防賊潛
毀令叅將王棟領前鋒護軍千兵五百駐守三十

三年正月疏言自木那至阿瓦城呼橋錫箔結工
 宋賽順貴應設五台錫箔隣江險要派滿洲兵四
 綠營兵三百餘四台派滿洲兵二綠營兵二百每
 台撥馬六十以壯聲援

上嘉之時珠魯訥派索柱帶兵千人駐天生橋錫箔江
 等處賊奄至叅將王棟等連戰兩日賊驅象運木
 造橋我兵衝擊賊乘勢毀錫箔橋索柱等退守葫
 蘆口賊肆擾木那珠魯訥派總兵胡大猷領兵五

百迎擊西山賊守備龔田守領兵二百迎擊東山
 賊珠魯訥率兵晝夜攻擊賊詭言退木那緩我兵
 未幾賊焚遊擊福珠營綠營兵潰賊夜圍中營珠
 魯訥手書奏交筆帖式福祿突圍出旋自盡事

聞

諭曰侍郎珠魯訥以叅贊大臣駐劄木那策應軍營因
 索柱領兵赴天生橋遇賊退回並棄錫箔橋梁不守
 以致賊匪尾入滋擾木那珠魯訥悉拒力守禦戰相

持經十餘日尋以所統兵丁俱係綠營怯懦成習見
旁近小營失火紛紛潰散珠魯訥獨力不支卽於營
內自盡雖與臨陣捐軀者相去一間其情亦屬可憫
所有應行優卹之處該部察例具奏

賜祭葬如例

命入祀昭忠祠

五福

五福滿洲鑲白旗人姓富察由世襲佐領兼烏餘

章京乾隆二十年發四川以遊擊用二十一年補

建昌營遊擊二十七年遷城守營叅將三十二年

遷維州協副將三十五年四月小金川土司澤旺

與鄂克什土司色達克拉構釁五福詳請發兵援

鄂克什總督阿爾泰檄責小金川澤旺服罪三十

六年六月澤旺子僧格桑復與構釁漸侵明正土

司大兵議進攻十二月五福領官兵土練五百駐

防梭磨界之樸頭三十七年九月授松潘總兵十

二月回營彈壓新附番人三十八年正月赴美諾
駐守糧運小金川平同松茂道查禮辦理別斯滿
新改屯練並汗牛十四寨新附番人事宜時僧格
桑竄入金川與土司索諾木爲逆

上慮兩酋由丹堪軼出逃往郭羅克
命五福防範六月賊襲取底木達及大板昭營大兵由
登春進剿五福由後路往會夾攻七月奏赴梭磨

察閱

諭曰五福奏先令副將西德布等領兵速回丹堪分防

五福仍前赴梭磨一帶察閱糧站並駕馭土婦卓爾

瑪及大小頭人百姓安靜駐牧並飭將通金川卡隘

加意防範所辦甚好前諭賞卓爾瑪名號綵緞傳諭

獎勵五福到彼正可辦理此事畢後仍回丹堪駐守

實力嚴防三十九年三月同副將李天佑領土兵夜

燬穆爾津岡賊寨生擒德爾日嘉等七人五月由

作固頂赴兜烏當噶進攻播坵賊出礮抵拒敗之

六月潛攻穆爾津岡賊碉克之燬其碉賊以死來
援五福奮勇接戰斃其衆七月大兵進攻五福率
漢土兵三百六十爲應援令官兵作攻撲狀以綴
賊勢土兵伏作固項水卡左右賊番五十餘衝水
卡伏發鎗斃頭人餘賊負傷竄土兵進攻穆爾津
山半賊碉賊於碉頂施鎗石五福督土兵斬碉門
施火彈斃賊十一月

諭曰朕閱戰圖凱立葉東北卽達克扎爾其下卽作固

頂革什戎罔又下卽穆爾津岡與丹琪甚近今凱立
葉旣經攻克進取羅卜克鄂博再進取格魯克古格
爾提尤與丹琪相距咫尺五福正當乘此勝勢激勵
土司選派土兵進剿五福卽親帶官兵由丹琪一路
進攻阿桂等並可與之預約爲合力夾擊之計現當
大軍架入復添此一路官兵賊衆難於支禦成功更
可迅速著阿桂速飭五福協力進剿奮勇自勵以期
立功受賞大兵尋攻克格魯克古了口接通丹琪五

立福隔山瞭大兵至卽督兵將普籠籠瑪讓戰礮數
座同時攻燬於作固頂以下沿河設營卡防範十
六二月大兵進攻勒烏圍五福由兜烏當噶夾攻賊
傷斃無算四十年六月進攻榮噶爾博攻燬賊礮
十一七月大兵攻據巴克圖仰木山頂五福克其薩
木卡爾山下各礮卡與大兵合九月大兵分七隊
由達烏達圍進攻五福同總兵常祿保等接應閏
十月大兵由黃草坪突上截賊礮五福同副都統

普爾普在溝底樹柵前進大兵旣克黃草坪賊糾
黨從山包後下拒五福與大兵內外夾擊賊敗竄
十一月官兵三隊由奔布魯木進攻五福同副都
統烏什哈達夜率第三隊兵圍賊礮賊越礮竄復
與第一第二隊兵合至西里正寨賊潰遁獲賊鎗
矛等械分攻瓦爾占舍勒固租魯夜移礮轟推賊
礮尋議叙功加一等紀錄二次十二月官兵分中
左右路進攻薩爾歪賊寨同都統海蘭察由中路

自土壓下賊棄寨竄復繞出賊寨後殲賊甚衆同
時克三處賊寨四十一年凱旋

命圖形

紫光閣儒臣擬贊曰斫門殺賊於滅金嶺焚礮燬巢
作固山頂馭番土兵越峻踰幽丹埧突入獲其鎗
矛大軍旣撤以兩金川地勢寥闊檄五福領兵三
千駐防美諾要地四十四年擢廣西提督四十八
年卒

莽喀察

莽喀察滿洲鑲白旗索倫人姓納喀塔由馬甲從

征準噶爾授藍翎侍衛乾隆二十三年正月隨領

隊大臣努三等偵叛賊哈薩克錫喇擒其黨摩羅

達什扎卜等於拜塔克授三等待衛十月隨將軍

兆惠勦回酋霍集占於葉爾羌二十四年二月授

二等待衛閏六月隨叅贊大臣明瑞追霍集占至

霍斯庫魯克賊六千餘據嶺以拒我兵先至者九

百莽喀察奮勇陷陣鏖戰三時賊潰斬五百餘級
捷

聞得
旨嘉獎擢頭等侍衛

賜丹巴巴圖魯號二十五年

命在乾清門行走

上以西域既定頒賞論功

特詔圖諸功臣像於

紫光閣掄其功尤赫者五十人

親製題贊次則斬將奪旂建一績致一命者亦圖其形

而令儒臣系之以詞又五十人莽喀察預焉贊曰

控弦疆場橫槩沙磧還經黑水中流投策蠡屯蟻

聚跳盪隻身捉生燒寨勇著索倫二十七年叙功

授騎都尉又一雲騎尉世職三十二年派往雲南

軍營

賜銀百兩並給副都統銜三十三年

命爲御前侍衛三十六年九月隨將軍溫福赴金川軍營授領隊大臣十二月大軍由向陽坪進剿巴朗拉賊礪莽喀察偕巴圖魯委署翼長占闡納等以兵四百五十自山右奮攻奪礪及木卡六肘被創回臥龍關調治溫福以

聞

詔來京授蒙古副都統遇缺坐補三十七年二月以創卒

諭曰莽喀察打仗奮勉傷發身故殊堪軫惜著加恩交該部照陣亡例議卹尋議給騎都尉併前世職爲二等輕車都尉

賜祭葬入祀昭忠祠金川平復

命圖形

紫光閣

御製贊曰索倫善射其中稱最西師建勲紫光閣形繪暹其猿臂搜彼蟻封不虞創重歎惜何窮嗣子綽爾岱

襲世職

欽定八旗通志一百七十

